

خاين يا زمن ..

خاين يا زمن خنت الموّده وبعد لاوين سهمك رح يوّدي
تحدّونا جبابرة المعنّى ويا ريت بيطلعو قد التحدي
تحدّونا جبابرة المعنّى وما عنّا وقت نلمحهم ما عنّا
تأمل كيف صرنا وين كتّا ما فينا نقعد نكتّف يدينا
ولا فينا نحسب الموضوع جدي
ما فينا نقعد نكتّف يدينا ولا فينا نترك الفيه ابتلينا
يا دنيا اضحكي منّا علينا وعلى الأحرار جوري يا ليالي
استبديّ قد ما فيكي استبديّ
وعلى الأحرار جوري يا ليالي وحطّي جبال آلامك قبالي
وقولي لا أبو زيد الهلالي بعد ما جابت الأيام شاعر
يفرّق بين خدي والمخدي

عتابا..

حكم حبك عكس جيدي عاقلبي
عيونك شغلها تحكم عاقلبي
وجنون الشوق ما خلّى عقل بي
وقلبي شغلتيو يحمل عذاب

طبيب القلب يا أول جراحي
جيتك تا تقطّبلي جراحي
دم الحُبّ بعروقي جراحي
ما جيتك تا تفتّق لي قُطب

علامك ما تشوف وما تراعي
وعيون الحُرّ تعمى وما ترى عي
الخَلِق سلطان عصرو مات راعي
اللسان . . يخوض في ساحة أدب

يا سوق الفن أجرينا وغي فيك
لاقصد صوب علياءك وغافيك
وعرف صاحيك شو معنا وغافيك
وعاكتف المجد دقلّك طناب

يا ليلي اصطاف حبك عامهاوي
وفؤادك عام باغض عامهاوي
الضلوع . . وكان هاوي عامهاوي
وفؤادي ما بقى يحمل عذاب

السَّلعِ البَنِّي

يا حلويا بو المشلح البَنِّي جافيتني وشونفرك منِّي
ما عاد إسمي يعن عابالك ولا عاد قلبك يسألك عنِّي

قلبك هنبي من نشوة الأفراح ويا ويل حالي جراح فوق جراح
من يوم هجرك ما صفالي راح ومن بعد منك ما ضحك سنِّي

عم ينكتب لي كل يوم بإيد في دنية الأوهام عُمر جديد
عايش على الآهات والتنهيد ودهوري بسهم الغدر طاعنِّي

عمري معك رايح جفا وعتاب ونوُح وترجِّي للِّقا وغياب
ولفين نحنا بدنية الأحباب ولف ناسي وولف مستنِّي

يا هاجري حرّمت عيني تنام ونشّفت دمعي وزدت قلبي هيام
وخليت روحي بمسلخ الأيام تبكي لك وجرّارها يغنِّي

في غيبتك شفت الحقيقة خيال
ومتلي أنا لمعدّبين قلال
ضليت إصلي فخور للأمال
مدة طويلة خيّبت ظنّي

عمري جنى من روضة الأشواق
جرح البعاني ولوعة المشتاق
وسع الفضا عن حجم همّي ضاق
وفي عين معرفتي زغر سنّي
